

Izveštaj o radu Uprave policije MUP-a Kantona Sarajevo za mjesec maj 2022. godine

KRIMINALITET

STATISTIČKI POKAZATELJI

U mjesecu maju 2022. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovano je 275 događaja sa obilježjem krivičnog djela (što je 68 ili 19,8% manje u odnosu na isti mjesec prethodne godine).

Od ukupnog broja registrovanih događaja sa obilježjem krivičnog djela, 136 ili 49,5% je evidentirano po poznatom izvršiocu, a 139 ili 50,5% po nepoznatom izvršiocu.

U mjesecu maju ove godine naknadno je rasvijetljeno 36 događaja sa obilježjem krivičnog djela evidentiranih po nepoznatom izvršiocu ili 25,9% (što je za 7,1% više u odnosu na uporedni mjesec) od čega je osam događaja prijavljeno u mjesecu maju, a 28 u ranijem periodu.

U izvještajnom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 169 obavijesti (43 manje) o događajima u kojima je pričinjena neznatna materijalna šteta.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA
U MJESECU MAJU 2022./21. GODINE

| mjesec | Broj događaja sa obilježjem krivičnog djela | | | Broj naknadno rasvijetljenih događaja evidentiranih po nepoznatom izvršiocu | | Broj evidentiranih lica | | | Broj lica lišenih slobode |
|-------------------------|---|-----------------------|-----------------|---|----------------------------|-------------------------|--------------|------------|---------------------------|
| | Ukupno | od toga | | Ukupno | od toga iz ranijeg perioda | Ukupno | od toga | | |
| | | po poznatom izvršiocu | po NN izvršiocu | | | | maloljetnici | povratnici | |
| MAJ 2022. GODINE | 275 | 136 | 139 | 36 | 28 | 160 | 5 | 105 | 58 |
| MAJ 2021. GODINE | 343 | 183 | 160 | 30 | 18 | 187 | 3 | 109 | 68 |
| <i>uporedba</i> | -68 | -47 | -21 | 6 | 10 | -27 | 2 | -4 | -10 |
| | -19,8% | -25,7% | -13,1% | 20% | 55,6% | -14,4% | 66,7% | -3,7% | -14,7% |

U toku mjeseca maja ove godine, nadležnom tužilaštvu podneseni su službeni izvještaji protiv 160 lica (27 manje), od kojih je 105 povratnika (četiri manje) (ili 65,6% od ukupnog broja prijavljenih lica), pet maloljetnika (dva više), a 58 lica je lišeno slobode (deset manje).

Za događaje sa obilježjem krivičnog djela, koji su evidentirani u mjesecu maju 2022. godine, prema izjavama oštećenih lica, nastupila je materijalna šteta u ukupnom iznosu od 848.081,63 KM i 19.650 €.

**TABELARNI PREGLED DOGAĐAJA SA OBILJEŽJEM KRIVIČNOG DJELA U MJESECU MAJU 2022./21. GODINE
NA PODRUČJU KANTONA SARAJEVO PREMA KRIVIČNOM ZAKONU FBiH-a**

| KZ FBiH-a i KZ BiH-a | MAJ 2022. GODINE | MAJ 2021. GODINE | uporedba ukupnog broja događaja sa obilježjem krivičnog djela | | broj događaja po poznatom izvršiocu | broj događaja po NN izvršiocu | ukupan broj naknadno rasvijetljenih događaja | |
|--|------------------------|------------------------|--|--------|---|--|---|-------|
| | | | + / - | % | | | broj | % |
| Protiv života i tijela | 15 | 7 | 8 | 114,3% | 12 | 3 | 1 | 33,3% |
| Protiv slobode i prava čovjeka i građanina | 22 | 20 | 2 | 10% | 22 | 0 | 0 | --- |
| Protiv spolne slobode i morala | 3 | 1 | 2 | 200% | 2 | 1 | 0 | 0% |
| Protiv braka, porodice i mladeži | 18 | 19 | -1 | -5,3% | 18 | 0 | 0 | --- |
| Protiv zdravlja ljudi | 20 | 22 | -2 | -9,1% | 20 | 0 | 0 | --- |
| Protiv privrede, poslovanja i sigurnosti plat. | 0 | 1 | -1 | --- | 0 | 0 | 0 | --- |
| Protiv imovine | 162 | 191 | -29 | -15,2% | 36 | 126 | 33 | 26,2% |
| Protiv opće sigurnosti ljudi i imovine | 8 | 8 | 0 | 0% | 5 | 3 | 2 | 66,7% |
| Protiv sigurnosti javnog prometa | 10 | 5 | 5 | 100% | 10 | 0 | 0 | --- |
| Protiv pravosuđa | 4 | 4 | 0 | isto | 1 | 3 | 0 | 0% |
| Protiv javnog reda i pravnog prometa | 6 | 35 | -29 | -82,9% | 3 | 3 | 0 | 0% |
| Protiv podmićivanja i krivična djela protiv službene i druge odgovorne funkcije | 3 | 25 | -22 | -88% | 3 | 0 | 0 | --- |
| ZONDINOIM-a - Zakon o nabavljanju, držanju i nošenju oružja i municije (Sl.novine KS br.01/18) | 4 | 5 | -1 | -20% | 4 | 0 | 0 | --- |
| UKUPNO | 275 | 343 | -68 | -19,8% | 136 | 139 | 36 | 25,9% |

U mjesecu maju 2022. godine u odnosu na isti mjesec prethodne godine, zabilježeno je značajno smanjenje broja registrovanih događaja sa obilježjem krivičnog djela za 68 ili 19,8%. Smanjenja su zabilježena u u slijedećim oblastima: protiv imovine (za 29 događaja), javnog reda i pravnog prometa (za 29), podmićivanja i krivična djela protiv službene i druge odgovorne funkcije (za 22), itd., dok je povećan broj evidentiranih događaja u oblastima: protiv života i tijela (za osam), sigurnosti javnog prometa (za pet), slobode i prava čovjeka i građanina (za dva događaja), itd.

PREGLED DOGAĐAJA SA OBILJEŽJEM KRIVIČNOG DJELA PO OBLASTIMA

PROTIV ŽIVOTA I TIJELA

Tokom mjeseca maja 2022. godine evidentirano je 15 događaja sa obilježjem krivičnog djela iz oblasti protiv života i tijela (osam više u odnosu na mjesec maj 2021. godine) i to 12 po poznatom i tri po nepoznatom izvršiocu. Evidentirano je devet teških i šest lakih tjelesnih ozljeda, a nadležnom tužilaštvu podneseni su službeni izvještaji protiv 13 lica, od kojih je devet povratnika (ili 69,2%) i četiri lica su lišena slobode.

PROTIV SLOBODE I PRAVA ČOVJEKA I GRAĐANINA

Iz ove oblasti evidentirana su 22 događaja sa obilježjem krivičnog djela (dva više) i to: ugrožavanje sigurnosti. Evidentirana su 22 lica, od kojih je 17 povratnika (ili 77,3%), a jedno je lišeno slobode.

PROTIV BRAKA, PORODICE I MLADEŽI

Iz oblasti protiv braka, porodice i mladeži u mjesecu maju evidentirano je 18 događaja sa obilježjem krivičnog djela (jedan manje) i to: nasilje u porodici, za čije izvršenje je prijavljeno 19 lica, od kojih je 11 povratnika (ili 57,9%), a 12 lica je lišeno slobode.

PROTIV ZDRAVLJA LJUDI

Evidentirano je 20 događaja sa obilježjem krivičnog djela iz oblasti protiv zdravlja ljudi (dva manje) i to:

- neovlašćena proizvodnja i stavljanje u promet opojnih droga (čl. 238. KZ FBiH) – jedan i
- posjedovanje i omogućavanje uživanja opojnih droga (čl. 239. KZ FBiH) – 19 događaja.

Nadležnom tužilaštvu podneseni su službeni izvještaji protiv 20 lica, među kojima je 14 povratnika (ili 70%) i osam lica je lišeno slobode.

Policijski službenici Uprave policije MUP-a Kantona Sarajevo su u mjesecu maju ove godine Kantonalnom tužilaštvu Sarajevo podnijeli službene izvještaje protiv jednog lica, zbog postojanja osnova sumnje da je u proteklom periodu u više navrata kupovao opojnu drogu "Marihuanu" od za sada nepoznatih lica, istu prepakivao, a zatim vršio preprodaju raznim konzumentima na području Kantona, čime bi počinio krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga, kao i protiv 19 lica koja su navodila druga lica na uživanje opojnih droga, stavila na raspolaganje prostorije radi uživanja opojnih droga ili kod kojih je prilikom pregleda pronađena opojna droga čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U MJESECU MAJU 2022./21. GODINE

| vrsta opojne droge | MAJ 2022. godine | MAJ 2021. godine |
|-----------------------------------|------------------|------------------|
| Marihuana (paketići) | 11 | 14 |
| Marihuana (u gramima) | 220,797 | 412,292 |
| Heroin (paketići) | --- | 1 |
| Heroin (u gramima) | 4 | --- |
| Amfetamin (paketići) | --- | 4 |
| Amfetamin (u gramima) | 32,129 | 362,294 |
| Kanabis (stabljike) | --- | 93 |
| Kanabis (sjemenke) | --- | 346 |
| Ecstasy (u tabletama) | 73 | --- |
| Speed (u gramima) | 3,525 | --- |
| Speed (paketići) | 2 | --- |
| Pribor sa ostacima droge i ostalo | 22 | 8 |

PROTIV IMOVINE

U oblasti protiv imovine evidentirana je 162 događaja sa obilježjem krivičnog djela (29 manje) od kojih je 36 evidentirano po poznatom i 126 po nepoznom izvršiocu. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 71 (21 manje),
- krađa (član 286. KZ FBiH) – 56 (sedam više),
- razbojništvo (član 289. KZ FBiH) – osam (11 manje),
- oštećenje tuđe stvari (član 293. KZ FBiH) – 13 (četiri manje), itd.

Nadležnom tužilaštvu podneseni su službeni izvještaji protiv 62 lica, od kojih je 46 povratnika (ili 74,2%), a 23 lica su lišena slobode.

Od ukupno 126 događaja evidentiranih po nepoznom izvršiocu iz oblasti protiv imovine naknadno su rasvijetljena 33 događaja ili 26,2% (sedam iz izvještajnog mjeseca i 26 iz ranijeg perioda) što je za 7,5% više u odnosu na mjesec maj 2021. godine.

Tokom mjeseca maja ove godine, prema objektima izvršenja teških krađa, 31. je izvršena u stambenim objektima (dvije manje), 18 u poslovnim prostorijama (osam manje), 15 u motornim vozila (otuđenja motornih vozila i “provale” u ista) (četiri manje), na ulici – šest (dva manje) i u ostalim objektima – jedna (pet manje).

Evidentirana su četiri otuđenja motornih vozila, od čega je jedno pronađeno i vraćeno od strane vlasnika.

Broj otuđenih motornih vozila u odnosu na uporedni mjesec smanjen je za šest ili 60%.

Evidentirano je 56 događaja sa obilježjem krivičnog djela krađe (sedam više) i to: na ulici – 20 puta, u poslovnim prostorijama – 18, u stambenim objektima - 12, vozilima GRAS-a – tri, itd. odakle su otuđivani novčanici, nakit, prehrambeni proizvodi, mobiteli, bicikli, kozmetika, električni romobili, željezni profili, itd.

Evidentirano je šest događaja sa obilježjem krivičnog djela teških krađa na naročito opasan ili naročito drzak način (dva više), u kojima su izvršiocu, upotrebom fizičke snage (trganjem), otimali nakit i tašne na ulici. Nadležnom tužilaštvu podnesen je službeni izvještaji protiv dva maloljetna lica, povratnika u činjenju krivičnih djela.

U mjesecu maju ove godine evidentirano je osam događaja sa obilježjem krivičnog djela razbojništva (11 manje).

Dva razbojništva evidentirana su po poznatom i šest po nepoznatom izvršiocu od kojih je jedno naknadno rasvijetljeno. Takođe, u mjesecu maju rasvijetljeno je i šest razboništava iz ranijeg perioda.

Nadležnom tužilaštvu podneseni su službeni izvještaji protiv 11 lica, od kojih je osam povratnika (ili 72,7%), a pet je lišeno slobode.

Razbojništva su izvršena prijetnjom upotrebe noža ili drugog oštrog predmeta – tri i upotrebom fizičke snage – pet puta, a počinjena su na ulici – četiri puta, u stambenim objektima – dva u prodavnici i u sportskoj kladionici – po jednom. Otuđivani su mobiteli, novac, bicikli, itd.

PROTIV OPĆE SIGURNOSTI LJUDI I IMOVINE

Iz ove oblasti evidentirano je osam događaja (isti broj) i to: - izazivanje opće opasnosti – sedam i nesavjesno čuvanje pasa i drugih opasnih životinja – jedan događaj. Nadležnom tužilaštvu podneseni službeni izvještaji protiv šest lica, od kojih su tri povratnika (ili 50%), a dva su lišena slobode.

Događaji sa obilježjem krivičnog djela izazivanje opće opasnosti izvršeni su na otvorenom prostoru četiri puta, u stambenim objektima – dva i u školi – jednom, pri čemu je četiri puta otvorenim plamenom izazvan požar, u dva slučaja aktivirana je nepoznata eksplozivna naprava i u jednom slučaju se radilo o lažnoj dojavi o postavljenoj eksplozivnoj napravi u školi. Posljedice navedenih događaja su nastala materijalna šteta i uznemirenost građana.

PROTIV JAVNOG REDA I PRAVNOG PROMETA

U ovoj oblasti evidentirano je šest događaja sa obilježjem krivičnog djela (29 manje)¹ i to: krivotvorenje isprave - četiri (27 manje) i nasilničko ponašanje – dva događaja (isto).

Nadležnom tužilaštvu podneseni su službeni izvještaji protiv tri lica, povratnika u činjenju krivičnih djela.

PROTIV PODMIĆIVANJA I KRIVIČNA DJELA PROTIV SLUŽBENE I DRUGE ODGOVORNE FUNKCIJE

U ovoj oblasti evidentirana su tri događaja sa obilježjem krivičnog djela (22 manje) i to: pronevjera u službi, a zbog postojanja osnova sumnje da su ih počinili, nadležnom tužilaštvu podneseni su službeni izvještaji protiv tri.

DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U mjesecu maju 2022. godine evidentirano je pet događaja sa obilježjem krivičnog djela, u kojima je učestvovalo pet maloljetnih lica. U odnosu na isti mjesec 2021. godine broj događaja sa obilježjem krivičnog djela ostao je isti, a broj maloljetnih lica povećan je za dva ili 66,7%. Prijavljeni maloljetnici su u dobi od 16 do 18 godina, a dva su povratnika u izvršenju događaja sa obilježjem krivičnog djela.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA U MJESECU MAJU 2022/2021. GODINE

| mjesec | Broj događaja sa obilježjem krivičnog djela | Broj evidentiranih maloljetnih lica |
|------------------|---|-------------------------------------|
| MAJ 2022. GODINE | 5 | 5 |
| MAJ 2021. GODINE | 5 | 3 |
| uporedba | isti broj | +2 ili 66,7% |

STRUKTURA DOGAĐAJA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA U MJESECU MAJU 2022/2021. GODINE

| Naziv krivičnog djela | maj 2022. | maj 2021. |
|--|-----------|-----------|
| <i>Teška tjelesna ozljeda</i> | 2 | --- |
| <i>Krađa</i> | --- | 2 |
| <i>Razbojništvo</i> | 1 | 3 |
| <i>Teška krađa na naročito opasan ili naročito drzak način</i> | 1 | --- |
| <i>Izazivanje opće opasnosti</i> | 1 | --- |
| <i>ukupno</i> | 5 | 5 |

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku mjeseca maja 2022. godine na području Kantona Sarajevo evidentirana su tri događaja aktiviranja minsko-eksplozivnih sredstava (dva više u odnosu na maj 2021. godine) usljed čega je nastupila materijalna šteta. U dva slučaja identifikovan je učinilac i protiv istog su preduzete zakonske mjere.

Evidentirano je 129 anonimnih dojava o postavljenoj eksplozivnoj napravi (jedna u maju 2021. godine), a odnosile su se na osnovne i srednje škole, zgradu općine Centar, kao i zgradu Općinskog suda. Nakon KDZ pregleda utvrđeno je da su dojave bile lažne. Preduzimaju se aktivnosti na rasyjetljanju ovih događaja i pronalaženju učinilaca.

POŽARI

Tokom mjeseca maja 2022. godine, na području Kantona Sarajevo registrovano je 14 požara (devet manje u odnosu na isti mjesec prethodne godine), u kojima je jedno lice povrijeđeno.

Prema statističkim pokazateljima, četiri požara su izazvana zbog tehničkih nedostataka, tri namjerno, dok uzroci sedam požara spadaju u kategoriju ostalih.

Požari su registrovani u:

- Stambenom objektu - šest,
- Saobraćajnom sredstvu - tri,
- Poslovnom prostoru - tri,
- Šumi - dva puta.

Zbog izazivanja požara nadležnom tužilaštvu podnesena su četiri službena izvještaja iz člana 323 KZ FBiH (izazivanje opće opasnosti).

SAMOUBISTVA

U mjesecu maju 2022. godine na području Kantona Sarajevo registrovana su dva samoubistva (dva manje u odnosu na isti mjesec prošle godine) koja su izvršena skakanjem sa visine.

Samoubistva su izvršena na području općine Novo Sarajevo, a izvršioци su jedna osoba muškog i jedna osoba ženskog spola. Muškarac je starosne dobi 29, a žena starosne dobi 67 godina.

OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzete su dvije puške, tri noža i sedam komada municije raznog kalibra.

Tokom mjeseca maja ove godine fizičkim licima izdato je 181. odobrenje za nabavku vatrenog oružja i 146 oružnih listova.

JAVNI RED I MIR

U toku mjeseca maja 2022. godine u oblasti protiv javnog reda i mira evidentirano je 329 prekršaja (353 ili 51,8% manje u odnosu na isti mjesec 2021. godine), za čije izvršenje je prijavljeno 329 lica (374 ili 53,2% manje), od čega je 78 povratnika u činjenju prekršaja.

Zbog učinjenih prekršaja u oblasti protiv javnog reda i mira izdato je 305 naloga i podnesena su 24 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 302 prekršaja (ili 91,8%), a na prekršaje koji su utvrđeni Odlukom općinskih vijeća o javnom redu i miru 27 (ili 8,2%).

Od ukupnog broja prijavljenih lica, prema starosnoj strukturi učinilaca prekršaja, najbrojniji su u dobi preko 36 godina (130), između 26 i 35 godina (114) i između 19 i 25 godina (85).

Prilikom narušavanja javnog reda i mira u mjesecu maju 2022. godine, nije bilo teže povrijeđenih lica (isto kao u maju 2021. godine), dok je pet lica (tri više) lakše povrijeđeno.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA
ZA MJESEC MAJ 2022/2021.GODINA

| PREKRŠAJI IZ ZAKONA O JRIM: | MAJ 2022. | MAJ 2021. | + - % |
|---|-----------|-----------|----------------|
| -Tuče | 12 | 14 | -2 ili 14,3% |
| -Naročito drsko ponašanje | 31 | 25 | +6 ili 24% |
| -Odbijanje naređenja i omalovaž. pol. služb. | 27 | 141 | -114 ili 80,9% |
| -Prosjačenje | 138 | 109 | +29 ili 26,6% |
| -Svađa, vika, nepristojno ponašanje | 7 | 21 | -14 ili 66,7% |
| -Uživanje opojne droge na javnom mjestu | 28 | 121 | -93 ili 76,9% |
| -Neovlaštena upotreba oružja | --- | 2 | -2 |
| -Paljenje petardi | --- | --- | --- |
| -Ostali prekršaji iz Zakona o JRiM | 59 | 222 | -163 ili 73,4% |
| Prekršaji prema Odluci općinskog vijeća o JRiM | 27 | 27 | isti broj |
| ukupno | 329 | 682 | -353 ili 51,8% |

Iz tabelarnog pregleda vidljivo je, da je tokom mjeseca maja 2022. godine, u odnosu na maj prethodne godine prema strukturi prekršaja povećan broj sljedećih prekršaja:

- prosjačenje za 29 ili 26,6% i
- naročito drsko ponašanje za šest ili 24%;

dok je smanjen broj sljedećih prekršaja:

- ostali prekršaji iz Zakona o JRiM za 163 ili 73,4%,
- odbijanje naređenja i omalovažavanje policijskih službenika za 114 ili 80,9%,
- uživanje opojne droge na javnom mjestu za 93 ili 76,9%,
- svađa, vika, nepristojno ponašanje za 14 ili 66,7%,
- tuče za dva ili 14,3% i
- neovlaštena upotreba oružja za dva.

Broj evidentiranih prekršaja koji su regulisani Odlukom općinskih vijeća ostao je isti.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (314 ili 95,4% od ukupnog broja), a znatno manje u trgovinama i zanatskim radnjama – dva, u ugostiteljskim objektima – jedan, dok je na ostalim mjestima evidentirano 12 prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU IZVRŠENJA ZA MJESEC
MAJ 2022/2021. GODINE

| MJESTO IZVRŠENJA | MAJ 2022. | MAJ 2021. | + - % |
|---------------------------------|-----------|-----------|----------------|
| Ugostiteljski objekti | 1 | --- | +1 |
| Ulice i drugi otvoreni prostori | 314 | 663 | -349 ili 52,6% |
| Vozila javnog saobraćaja | --- | --- | --- |
| Sportski stadioni i dvorane | --- | 3 | -3 |
| Škole i školska dvorišta | --- | --- | --- |
| Trgovine i zanatske radnje | 2 | --- | +2 |
| Ostala mjesta | 12 | 16 | -4 ili 25% |
| UKUPNO | 329 | 682 | -353 ili 51,8% |

U odnosu na isti mjesec 2021. godine, povećan je broj evidentiranih prekršaja u trgovinama i zanatskim radnjama i u ugostiteljskim objektima, dok je smanjen broj prekršaja evidentiranih na ulici i drugim otvorenim prostorima, na sportskim stadionima i dvoranama i na ostalim mjestima.

Na području Kantona Sarajevo u mjesecu maju 2022. godine održano je 366 javnih skupova (168 ili 84,8% više u odnosu na mjesec maj 2021. godine). Policijski službenici Uprave policije proveli su planske aktivnosti za bezbjedno održavanje javnih skupova i 67 KDZ osiguranja.

SAOBRAĆAJ

Na području Kantona Sarajevo u mjesecu maju 2022. godine registrovana je 591. saobraćajna nezgoda (32 ili 5,7 % više), od čega su 502. sa materijalnom štetom (28 ili 5,9 % više) i 89 sa nastradalim licima (četiri ili 4,7 % više).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U MJESECU MAJU 2022./21. GODINE

| | maj 2022. | maj 2021. | uporedba |
|--|-----------|-----------|----------------|
| UKUPNO SAOBRAĆAJNIH NEZGODA | 591 | 559 | + 32 ili 5,7 % |
| Saobraćajne nezgode sa nastradalim licima | 89 | 85 | + 4 ili 4,7 % |
| Saobraćajne nezgode sa materijalnom štetom | 502 | 474 | + 28 ili 5,9 % |
| POGINULO LICA | 1 | 1 | ----- |
| - vozači | 1 | 1 | ----- |
| -putnici | 0 | 0 | ----- |
| - pješaci | 0 | 0 | ----- |
| POVRIJEĐENO LICA | 111 | 113 | - 2 ili 1,8 % |
| - vozači | 59 | 61 | - 2 ili 3,3 % |
| - putnici | 26 | 34 | - 8 ili 23,5 % |
| - pješaci | 26 | 18 | + 8 ili 44,4 % |

U naselju je registrovano 578 saobraćajnih nezgoda (85 sa povrijeđenim licima i 493 sa materijalnom štetom), van naselja 13 nezgoda (jedna sa poginulim, tri sa povrijeđenim licima i devet sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U MJESECU MAJU 2022. GODINE (U NASELJU I VAN NASELJA)

| SAOBRAĆAJNE NEZGODE | SA NASTRADALIM LICIMA | | | SA MATERIJALNOM ŠTETOM | UKUPNO | POSLJEDICE | | |
|---------------------|-----------------------|------------------------|-----------|------------------------|------------|---------------------|-----------------------------|------------------------------|
| | sa poginulim licima | sa povrijeđenim licima | | | | broj poginulih lica | broj teže povrijeđenih lica | broj lakše povrijeđenih lica |
| | | teže | lakše | | | | | |
| u naselju | | 13 | 72 | 493 | 578 | | 13 | 95 |
| van naselja | 1 | | 3 | 9 | 13 | 1 | | 3 |
| UKUPNO | 1 | 13 | 75 | 502 | 591 | 1 | 13 | 98 |

Prema kategoriji puta, najveći broj saobraćajnih nezgoda registrovan je:

- na ulicama u naselju - 425 nezgoda u kojima je 79 lica povrijeđeno (12 teže i 67 lakše),
- na magistralnim putevima - 74 nezgode u kojima su 22 lica povrijeđena (jedno teže i 21. lakše),
- na lokalnim putevima - 30 (četiri lica lakše povrijeđena),
- na regionalnim putevima - 11 (dva lica lakše povrijeđena),
- na putevima koji se ubrajaju u kategoriju ostalih - 51. nezgoda u kojoj je pet lica nastradalo (jedno lice poginulo, četiri lica lakše povrijeđena).

POSLJEDICE SAOBRAĆAJNIH NEZGODA

Tokom mjeseca maja 2022. godine, u saobraćajnim nezgodama na području Kantona Sarajevo 112 lica je nastradalo (dva ili 1,7 % manje). Jedno lice je poginulo (isto kao u maju prošle godine), dok je 111 lica povrijeđeno (dva ili 1,8 % manje), od čega 13 teže (jedno lice ili 7,1 % manje) i 98 lakše (jedno lice ili 1 % manje).

LICA POVRIJEĐENA U SAOBRAĆAJNIM NEZGODAMA

Od ukupno 111 povrijeđenih lica u mjesecu maju 2022. godine, evidentirano je: 59 vozača (tri teže i 56 lakše), 26 putnika (jedan teže i 25 lakše) i 26 pješaka (devet teže i 17 lakše).

Starosna struktura nastradalih lica u saobraćajnim nezgodama je slijedeća:

- ispod šest godina - jedno lice,
- od 6 do 17 godina - 15,
- od 18 do 24 godine - 12,
- od 25 do 30 godina - 20,
- od 31 do 40 godina - 29,
- od 40 do 50 godina - 14,
- od 51 do 65 godina - 15,
- 66 i više godina - šest lica.

Starosna struktura nastradalih vozača u saobraćajnim nezgodama je slijedeća:

- od 18 do 23 godine - sedam lica,
- od 23 do 30 godina - 13,
- od 30 do 40 godina - 22,
- od 40 do 50 godina - 10,
- od 50 do 60 godina - pet,
- 60 i više godina - tri lica.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, uzroci saobraćajnih nezgoda su:

- neprilagođena brzina - 80 (28 lica povrijeđeno, jedno teže i 27 lakše),
- uticaj alkohola - jedna nezgoda (bez nastradalih lica),
- klizav put - sedam (dva lica lakše povrijeđena),
- ostali uzroci - 503 (jedno lice poginulo, 81. lice povrijeđeno, 12 teže i 69 lakše).

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca maja 2022. godine, policijski službenici Uprave policije MUP-a Kantona Sarajevo kontrolisali su:

- 15.095 vozila i vozača (508 više),
- 7.681. lice u vozilima (3.876 više),
- pregledali 436 vozila (163 više) i 296 lica u vozilima (107 više).

Zbog tehničke neispravnosti iz saobraćaja je isključeno 35 vozila (22 više), 300 vozača je zatečeno da upravljaju vozilom pod dejstvom alkohola (198 više), 296 lica bez korištenja sigurnosnog pojasa (92 manje), 131 vozač bez položenog vozačkog ispita (45 manje), 43 vozača pod izrečenom zaštitnom mjerom (21 manje), 348 vozača je zatečeno da koriste mobitel tokom vožnje (46 više) i 228 vozila koja su učestvovala u saobraćaju bez važeće registracije (28 manje).

Zbog kršenja propisa iz oblasti sigurnosti saobraćaja uručen je 14.171 prekršajni nalog vozačima (1.058 ili 8,1 % više u odnosu na mjesec maj prošle godine) i podneseno 258 zahtjeva za pokretanje prekršajnog postupka (70 ili 37,2 % više).

MIRUJUĆI SAOBRAĆAJ I KONTROLA PJEŠAKA

Policijski službenici su tokom mjeseca maja 2022. godine provodili aktivnosti u okviru saobraćaja u mirovanju i kontrole kretanja pješaka.

Vozačima koji su vozila nedozvoljeno parkirali na javnim površinama, uručena su 7.644 prekršajna naloga (1.685 više), upozoren je 191 vozač (36 manje), a specijalnim vozilom "pauk" premješteno je 87 vozila (24 više).

Takođe, pješacima koji su kršili propise uručeno je 95 prekršajnih naloga (10 manje), a upozoreno je devet pješaka (devet manje).

ZAKONITOST U RADU

Tokom mjeseca maja 2022. godine, nisu registrovani napadi na policijske službenike Uprave policije MUP-a Kantona Sarajevo.

Takođe, u mjesecu maju 2022. godine registrovan je jedan slučaj opravdane upotrebe sile.

Razmatrano je 29 predstavki na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za sedam predstavki (osam manje) provede unutrašnja istraga, za 21. predstavku je odlučeno da se izvrše provjere i prikupi dokumentacija, dok je jedna predstavka pripojena postojećem spisu.

Od 29 razmatranih predstavki, 17 je podneseno od strane građana, dok 12 predstavki predstavljaju saznanja iz službe.

Okončano je sedam unutrašnjih istraga, od čega je u tri slučaja interni postupak prekinut do okončanja krivičnog postupka ili krivične istrage, u dva slučaja straga je osnovana, u jednom slučaju neosnovana, dok u jednom slučaju nije bilo dovoljno dokaza.

RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali aktivnosti u cilju uspostavljanja saradnje sa građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama.

Policajci u zajednici su svakodnevno na terenu, kroz proaktivno djelovanje i kontakte sa građanima, osobljem javnih ustanova, nevladinih i drugih organizacija, osiguravali stvaranje povoljnog ambijenta za život svih kategorija stanovništva.

Tokom mjeseca maja tekuće godine, realizovane su slijedeće aktivnosti:

- U sklopu aktivnosti Uprave policije osiguran bezbjedan prolazak učenika iz šest osnovnih škola sa područja općine Novi Grad u posjetu Srebrenici,
- Organizovan pojačan obilazak autobuskih, tramvajskih i trolejbuskih stajališta, s ciljem prevencije izvršenja krivičnih djela i narušavanja javnog reda i mira,
- Policajci u zajednici Uprave policije MUP-a Kantona Sarajevo su vodili evidenciju za poštivanje izrečenih zaštitnih mjera od strane Općinskog suda u Sarajevu iz oblasti nasilja u porodici, vršili obilazak i ostvarivali kontakt sa žrtvama nasilja kao i sa nasilnikom, da bi osigurali poštivanje izrečenih zaštitnih mjera, veći stepen sigurnosti žrtve kao i preventivno djelovanje na eventualno ponavljanje nasilja,
- Ostvarivani kontakti sa predstavnicima osnovnih i srednjih škola u Kantonu Sarajevo, s ciljem preventivnog djelovanja na različite neprihvatljive pojave u i oko školskih prostora,
- Ostvarivani kontakti sa građanima iz reda romske populacije i migrantima, s ciljem preventivnog djelovanja na pojavu narušavanja javnog reda i mira, prosjačenja i činjenja krivičnih djela.

MIGRANTI

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo u prihvatnim, azilantskim i imigracionim centrima boravi cca 1.195 migranata (1.076 ili 47,4% manje).

U mjesecu maju nije bilo evidentiranih događaja sa obilježjem krivičnog djela u kojima su učestvovali migranti, a u istom mjesecu prethodne godine evidentirano je šest događaja.

Tokom mjeseca maja 2022. godine, službenici policije proveli su četiri akcije u cilju pronalaska migranata, kontrolisali su 28 migranta, od čega šest nije posjedovalo registracijski obrazac, pet je upućeno službi za poslove sa strancima radi registracije i pet migranata je smješteno u imigracione centre.

TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI

| MJESEC MAJ 2022. GODINE | KANTON SARAJEVO |
|---|-----------------|
| UKUPAN BROJ MIGRANATA KOJI BORAVI NA PODRUČJU KANTONA SARAJEVO (SLOBODNA PROCJENA I PODACI IOM-a) | 1.195 |
| UKUPAN BROJ KONTROLISANIH MIGRANATA | 28 |
| BROJ MIGRANATA LIŠENIH SLOBODE | 0 |
| BROJ KRIVIČNIH DJELA POČINJENIH OD STRANE MIGRANATA | 0 |
| BROJ PREKRŠAJA POČINJENIH OD STRANE MIGRANATA | 0 |
| BROJ INCIDENATA POČINJENIH OD STRANE MIGRANATA | 3 |
| BROJ MIGRANATA KOJI SU VRAĆENI IZ SUSJEDNIH DRŽAVA | 0 |
| BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA | 4 |
| BROJ MIGRANATA PREDATI U IMIGRACIONI CENTAR ILI SLUŽBI ZA POSLOVE SA STRANCIMA | 10 |